

Sveitarfélagið
ÁRBORG



Starfsáætlun Zelsíuz 2025-2026



Efnisyfirlit

Inngangur	4
Leiðarljós í félagsmiðstöðinni	4
Virk þátttaka	4
Lýðræði	4
Reynslunám	5
Forvarnarstarf	5
Öruggt umhverfi	5
Hlutverk Zelsíuz	5
Gildi	5
Fjölbreytileiki	5
Samvinna	6
Gleði	6
Traust	6
Zelsíuz	6
Miðstig (5.- 7.bekkur)	6
Unglingastig (8.- 10.bekkur)	7
Miðstigsstarf 5.-7. bekkur	7
Unglingastarf 8.-10. bekkur	7
Hinsegin starf	7
Sértækt hópastarf	8
Unglingaráð	8
Viðburðir	8
Flexið (Sérstuðningur Zelsíuz)	8
Exið	9
Reglur í Zelsíuz	9
Mannauður	10

Innra mat	10
Samstarf á fjölskyldusviði	11
Kynningar og heimsóknir	11
Flakkandi Zelsíuz.....	12
Framtíðarsýn	12

Inngangur

Sveitarfélagið Árborg starfrækir félagsmiðstöðina Zelsíuz sem hefur verið starfrækt síðan árið 1980. Í Zelsíuz er boðið upp á uppbyggilegt frístundastarf fyrir 10 - 16 ára börn og unglinga í frítíma þeirra. Áhersla er lögð á að ná til þeirra barna og unglinga sem þarfnast félagslegs stuðnings og að bjóða upp á fjölbreytileg viðfangsefni. Unnið er í klúbbum, sértæku hópastarfi, einstaklingshittingum, opnu starfi og loks stendur félagsmiðstöðin fyrir stórum sem smáum viðburðum.

Starfsáætlun þessi er unnin af forstöðumanni Frístundahúsa Árborgar. Áætlunin gildir fyrir skólaárið 2025-2026. Zelsíuz heyrir undir Frístundaþjónustuna á Fjölskyldusviði og þjónustar öll börn og unglinga í Sveitarfélaginu Árborg, 485 börn á miðstigi og 540 á unglingastigi.

Félagsmiðstöðin Zelsíuz heldur úti fjölbreyttri dagskrá í samstarfi við Z-ráðið sem tekur mið af áhugamálum unglinganna hverju sinni. Félagsmiðstöðin kappkostar að stuðla að jákvæðum og þroskandi samskiptum meðal barna og unglinga og örva félagsþroska þeirra og lýðræðisvitund. Félagsmiðstöðin Zelsíuz vinnur einnig markvisst að forvarnarmálum og valdeflingu en starfsmenn hennar notast við aðferðafræði reynslunáms.

Leiðarljós í félagsmiðstöðinni

Félagsmiðstöðin Zelsíuz býður upp á frístundastarf sem hefur uppeldis- og menntunargildi og tekur mið af aldri þeirra og þroska. Virk þátttaka, reynslunám, forvarnir og lýðræði er leiðarljós í starfi Zelsíuz. Leiðarljósið byggist á sáttmála Sameinuðu þjóðanna um réttindi barnsins.

Virk þátttaka

Með virkri þátttöku er leitast til þess að börn og unglingar taki virkan þátt í starfi Zelsíuz. Markmið þess er að þau læri að eiga uppbyggilegan frítíma ásamt því að vera hluti af samfélagi.

Lýðræði

Lýðræði er grunnþáttur starfsins, hugmyndafræði barna- og unglingalýðræðis þjálfar börn og unglinga í að virða skoðanir sínar, hlusta á aðra og setja sig í spor annarra. Þetta styrkir sjálfsmynd þeirra, eflir gagnrýna hugsun og eykur víðsýn. Ætlast er til að börn og unglingar læri að hafa áhrif á líf sitt og starf. Börn og unglingar fá þjálfun í að virða skoðanir sínar, hlusta á aðra og setja sig í spor annarra. Leitast er við að efla virkni, sjálfstæði og ábyrgð þeirra sem einstaklinga og hvetja þau til að hafa mótandi áhrif á nærumhverfi sitt og samfélag.

Reynslunám

Reynslunám er ferli þar sem einstaklingurinn byggir upp þekkingu, öðlast færni og breytir gildismati sínu vegna beinnar reynslu af þátttöku í verkefnum. Leitast er við að nýta aðferðarfræði reynslunáms á sem fjölbreyttastan hátt í starfi Zelsíuz.

Forvarnarstarf

Í frístundastarfi er mikilvægt að efla og styrkja heilsu og velferð, hlúa að verndandi þáttum og lágmarka áhrif áhættuþátta í umhverfi barna og unglinga. Einn þáttur í virku forvarnarstarfi er að fjölga jákvæðum fullorðnum fyrirmyndum í nærumhverfi barna og unglinga. Því er leitast eftir að ráða til starfa faglegt, öflugt og áhugasamt starfsfólk í félagsmiðstöðina sem uppfyllir hlutverkið jákvæð fullorðin fyrirmynd með sóma.

Öruggt umhverfi

Í félagsmiðstöðinni er mikilvægt að börn og ungmenni upplifi sig örugg. Öruggt til þess að vera þau sjálf og tjá sig á þann hátt sem þau kjósa.

Hlutverk Zelsíuz

Hlutverk félagsmiðstöðvarinnar er tvíþætt. Annars vegar að bjóða börnum og unglingum á aldrinum 10 -16 ára upp á frístundastarf sem hefur forvarnar-, uppeldis og menntunargildi og tekur mið af aldri þeirra og þroska. Hins vegar að bjóða upp á aðstöðu til afþreyingar og samveru með jafnöldrum í öruggu umhverfi undir handleiðslu starfsmanna. Áhersla er lögð á að virkja börn og unglinga til virkrar þátttöku og framkvæmda í starfinu, einkum þau sem þurfa sérstaka hvatningu og stuðning vegna félagslegra aðstæðna. Starf á vegum félagsmiðstöðva er í eðli sínu forvarnarstarf þar sem unnið er með viðhorf og atferli barna og unglinga í átt til heilbrigðs lífsstíls og virkni í samfélaginu. Lýðræði er grunnþáttur í starfi Zelsíuz, börn og unglingar fá þjálfun í að tjá skoðanir sínar.

Gildi

22. febrúar 2022, á sameiginlegum starfsdegi frístundastofnana í Árborg, voru sett sameiginleg gildi fyrir frístundastarf í sveitarfélaginu. Gildin sem voru ákveðin voru Fjölbreytileiki - Samvinna - Gleði - Traust

Fjölbreytileiki

- Öll börn og ungmenni eru velkomin
- Mætum þörfum hvers og eins með styrkleika þeirra að leiðarljósi
- Fjölbreyttur hópur starfsfólks með mismunandi styrkleika og færni
- Stuðlað er að virku barna- og ungmennalýðræði
- Sveigjanleg og fjölbreytt starfsemi

Samvinna

- Stuðlum að góðum starfsanda
- Öflugt þverfaglegt samstarf
- Leggjum áherslu á gott samstarf við samfélagið
- Vinnum markvisst með fjölbreytt hópastarf

Gleði

- Opin jákvæð og uppbyggileg samskipti
- Lögð er áhersla á að efla félagsfærni
- Ýtum undir sköpunargleði og frelsi
- Höfum gaman og leikum okkur
- Stuðlum að geðheilbrigði

Traust

- Lögð er áhersla á virkt upplýsingaflæði
- Þekkir starfsfólk rétt sinn og ábyrgð í leik og starfi
- Virðum trúnað og tilkynningarskyldu
- Fagleg og vönduð vinnubrögð
- Erum til staðar fyrir hvert annað

Zelsíuz



Zelsíuz er félagsmiðstöð fyrir börn og unglinga í 5.-10.bekk og er staðsett í frístundahúsi Árborgar að Austurvegi 2a. Starfið í félagsmiðstöðinni er tvíþætt annars vegar fyrir 5.-7.bekk hér eftir talað um sem miðstigsstarf og fyrir 8.-10.bekk hér eftir talað um sem unglingastarf.

Opnunartímar Zelsíuz eru eftirfarandi:

Miðstig (5.- 7.bekkur)

Mánudagur kl. 17:00 - 18:30 í Sunnulækjarskóla

Þriðjudagur kl. 17:00 - 18:30 á Stokkseyri

Miðvikudagur kl. 17:00 - 18:30 í Vallaskóla

Fimmtudagur kl 17:00 – 18:30 í Stekkjaskóla

Einn fimmtudag í mánuði er 7.bekkjarkvöld kl 18:30-20:30 í Zelsíuz

Unglingastig (8.- 10.bekkur)

Mánudagur kl. 19:30 - 22:00

Þriðjudagur kl. 19:30 - 22:00 (Starfið fer fram á Stokkseyri)

Miðvikudagur kl. 19:30 - 22:00

Fimmtudagur kl. 19:30-21:30 Hinsegin opnun í Valhöll

Föstudagar kl. 19:30 - 22:00

Miðstigsstarf 5.-7. bekkur

Miðstigsstarf Zelsíuz fer fram í hverjum skóla fyrir sig einu sinni í viku. Í Sunnulækjarskóla á mánudögum, á Stokkseyri á þriðjudögum, í Vallaskóla á miðvikudögum og í Stekkjaskóla á fimmtudögum. Markmið með miðstigsstarfinu er að kenna krökkunum að vera í félagsmiðstöð og kynna starfshætti hennar fyrir krökkunum. Áhersla er lögð á virka þátttöku og lýðræði. Krakkarnir hafa áhrif á dagskránnu í hverjum mánuði með dagskrágerðarfundum í lok mánaðar. Einnig reynum við að virkja 7. bekk með því að vera með 7. bekkjarkvöld einu sinni í mánuði í Zelsíuz. 7. bekkjarkvöldin eru í anda unglingastarfsins, opnanirnar eru á kvöldin og eru sameiginleg fyrir nemendur í Vallaskóla, Sunnulækjarskóla og BES.

Unglingastarf 8.-10. bekkur

Unglingastarfið í Zelsíuz er sameiginlegt fyrir alla grunnskóla sveitarfélagsins. Það fer fram að mestu í húsnæði félagsmiðstöðvarinnar og eru alltaf á kvöldin, 5 sinnum í viku. Á þriðjudögum fer starfið fram á Stokkseyri og á fimmtudögum fer starfið fram í Valhöll. Markmið er að hafa fjölbreytni í dagskrá Zelsíuz til þess að ná til sem flest. Fyrir 8. -10. bekk standa til boða hinir ýmsu klúbbar sem vinna eftir hugmyndafræði sértæks hópastarfs ásamt hinsegin opnunum fyrir unglinga sem að tilheyra hinsegin samfélaginu. Unglingaráðið skipuleggur dagskránnu og hjálpar til við undirbúning á hinum ýmsu viðburðum.

Hinsegin starf

Í samstarfi við ungmennahúsið Pakkhúsið heldur Zelsíuz úti hinsegin opnunum á fimmtudögum. Hinsegin opnanir eru fyrir ungmenni í 8.bekk og eldri. Þær fara fram í Valhöll, Tryggvagötu 23, og eru ætlaðar fyrir ungmenni sem tilheyra hinsegin samfélaginu, eru í hinsegin þælingum eða vini sem að vilja styðja við málefnið og fræðast um hinsegin málefni. Hinsegin opnanir eru öruggur staður fyrir ungmenni til þess að vera þau sjálf. Hinsegin vika Árborgar er haldin árlega í félagsmiðstöðinni ásamt hinsegin viku Samfés á landsvísu. Ár hvert er landsmót hinsegin félagsmiðstöðva á Íslandi, Hinsegin Landsmótið, haldið að vori til. Í fyrria var í fyrsta skipti sem Hinsegin Zelsíuz tók þátt og fyrirhugað er að þátttaka verði aftur í ár.

Sértækt hópastarf

Félagsmiðstöðin heldur úti fjölbreyttu hópastarfi. Stærsta hópastarfið í félagsmiðstöðinni er D&D hópastarf þar sem spilað er hlutverkaspilið Dungeons and Dragons auk annarra hlutverkaspila. Síðasta árið hafa 6 hópar verið að spila D&D einu sinni í viku í félagsmiðstöðinni. D&D hóparnir eru fyrir 7.-10.bekk. Hópur fyrir 5.-6.bekk hafa verið gerðir eftir áhuga hverju sinni.

Breyting var á hópastarfi síðasta vetur og mun sú breyting halda áfram þennan vetur. Áhersla er á starfrækt hópastarf út frá einstaklingsúrræði félagsmiðstöðvarinnar og velferðarþjónustu, Flexinu (Sérstuðningur Zelsíuz). Það eru tveir 6-10 manna hópar sem að hittast einu sinni í viku í 1,5 tíma í senn. Þeir unglingar sem að skráðir eru í klúbbana útbúa dagskránnar í samstarfi við starfsfólk út frá áhugasviði ásamt því að starfsfólk er með fræðslu. Allir þessir hópar hafa það markmið að efla samvinnu, samskipti, félagsfærni og hvetja til vináttutengsla.

Unglingaráð

Zelsíuz heldur úti unglingaráði sem kallað er Z-ráðið. Z-ráðið er öll þriðjudagskvöld og fá þeir unglingar sem eru í Z-ráðinu það metið sem val utan skóla. Hlutverk Z-ráðsins er að útbúa dagskrá unglingastarfs Zelsíuz fyrir hvern mánuð ásamt því að skipuleggja og halda stærri viðburði og aðstoða og sjá um dagskráliði á opnunum. Unnið er eftir hugmyndafræði unglingalýðræðis og þátttökulýðræði þar sem að unglingarnir hafa áhrif á starfið í félagsmiðstöðinni.

Viðburðir

Zelsíuz heldur viðburði og tekur þátt í viðburðum á vegum Samfés, samtök félagsmiðstöðva og ungmennahúsa á Íslandi. Ákveðnir viðburðir hafa skapað sér fastan sess í starfinu í Zelsíuz á borð við Draugahús Z-ráðsins, Gistinótt Zelsíuz og Grunnskólaleikar Árborgar. Í desember-janúar er Samzel, söngkeppni Zelsíuz, þar sem að sigurvegarinn keppir í USSS, undankeppni söngkeppni Samfés á Suðurlandi. Vika 6 er nýtt á dagskrá hjá okkur en það er verkefni frá jafnréttindaskóla Reykjavíkurborg. Vikan er tileinkuð kynfræðslu og er haldin í sjöttu viku ársins. Zelsíuz tekur virkan þátt í mörgum af viðburðum Samfés svo sem danskeppni, landsmót og Samfestingnum í Laugardalshöll sem er stærsta árlega hátíð Samfés þar sem fram fara tónleikar og söngkeppni.

Flexið (Sérstuðningur Zelsíuz)

Félagsmiðstöðin og velferðarþjónusta Árborgar standa saman að verkefni sem að heitir Flexið. Barnavernd, barnateymi og skólaþjónustan vísa einstaklingum á aldrinum 10-16 ára í sérstuðninginn þar sem að honum er síðan parað saman við starfsmann í félagsmiðstöðinni.

Starfsmaðurinn og einstaklingurinn hittast síðan einu sinni í viku í nokkrar vikur. Hittingarnir eru skipulagðir út frá áhugasviði einstaklingsins og er markmiðið að virkja einstaklinginn og efla félagslega ásamt því að koma honum inn í annað hvort hópastarf í félagsmiðstöðinni eða opið starf. Markvist hefur verið unnið að því að mynda hópastarf með einstaklingum sem hafa verið vísað inn í þjónustuna. Verkefnið hefur gengið gríðarlega vel síðustu ár og hlaut hvatningarverðlaun Samfés árið 2021 og Íslensku menntaverðlaunanna fyrir framúrskarandi þróunarverkefni árið 2023.

Exið

Í vetur er félagsmiðstöðin í samstarfi við Vallaskóla að keyra skólaúrræðið Exið. Exið er hugsað sem kennsluaðferð þar sem unnið er með nemendur sem standa hallandi fæti félagslega og gefa þeim tengingu við félagsmiðstöð. Hægt er að nota formið til þess að kenna hvað sem er sem kemur lífsleikni við. „Markmiðið er að búa til umhverfi þar sem nemendur fá að þjálfra og þroska félagsfærni sína á hagnýtan máta.“ Exið er samstarfsverkefni og byggir á samstarfi skóla og félagsmiðstöðvar. Kennsla fer fram í félagsmiðstöð og í skóla samhliða. Exið hefur verið keyrt með fjölbreyttum nemendahópum með mismunandi þarfir. Bæði hefur verið unnið með það sem fastan lið í almennum bekk, sem tíma í töflu hjá sérdeild og sem námskeið fyrir sértæka hópa.

Reglur í Zelsíuz

Orkudrykkir, nikótínþúðar, rafrettur, áfengi, tóbak og önnur fíkniefni eru bönnuð í Zelsíuz ásamt vopnum og eða öðrum hlutum sem geta valdið skaða eða hræðslu. Þetta gildir líka í öllum ferðum á vegum Zelsíuz.

Berum virðingu fyrir eigum félagsmiðstöðvarinnar og hjálpumst að við að hafa snyrtilegt í kringum okkur með því að nota viðeigandi ruslatunnur

Unglingum ber að virða þessar reglur og koma fram við starfsfólk og aðra gesti í félagsmiðstöðinni af virðingu.

Brot á reglum félagsmiðstöðvarinnar getur orsakað brottvísun úr félagsmiðstöðinni og/eða haft samband við forráðamenn þar sem viðurlög verða rædd.

Unnið er eftir verklagsreglum um viðbrögð þegar bregðast þarf við/stöðva óásættanlega og/eða skaðlega hegðun barna og unglinga í félagsmiðstöðinni Zelsíuz sem voru samþykktar af fræðslu- og frístundanefnd þann 11. september 2024

Mannauður

Í Zelsíuz eru starfandi 10 starfsmenn, flestir í hlutastarfi. Forstöðumaður frístundahúsa Árborgar ber ábyrgð á rekstri félagsmiðstöðvarinnar Zelsíuz og ungmennahúsins Pakkhúsins. Sér færðingur í fullu starfi sem sér um og skipuleggur starf félagsmiðstöðvarinnar. Umsjónarmaður Flexsins (Sérstuðning Zelsíuz) í 70% , ásamt þremur frístundaráðgjöfum og 4 frístundaleiðbeinendum í hlutastarfi. Mannauðurinn er með fjölbreytta menntun og starfsreynslu. Starsmenn eru meðal annars í BA námi í sálfræði, þroskaþjálfrafræði, þjóðfræði og félagsráðgjöf ásamt því eru útskrifaðir tólstunda- og félagsmálafræðingar í meistaranámi í stjórnun, meistaránemi í félagsráðgjöf til starfsréttinda og meistaránemi í upplýsingafræði. Stór hluti starfsfólksins voru virkir unglingar í Zelsíuz, aðrir með reynslu af því að vinna í frístundastarfi hjá Reykjavíkurborg.

Símenntun starfsfólks fer fram á starfsdögum Samfés, starfsdögum Zelsíuz ásamt miðlægum starfsdögum frístundastofnana í Árborg.

Ágúst	Starfsdagar Zelsíuz	Fræðsla um verkferla ofl. í Zelsíuz
September	Starfsdagar Samfés	
September	Vitundavakning á málefnum flóttafólks	Kynning frá ráðgjöfum í samræmdu móttöku flóttafólks hjá Árborg
Október	Starfsdagur frístundastofnana Árborgar	Skyndihjálparfræðsla EKKÓ Ég er unik – fræðsla um hvað liggur á bakvið erfiða hegðun.
Febrúar	Starfsdagar Zelsíuz	
Apríl	Sjúk ást	Fræðsla frá Stígamótum um mörk, samskipti og samþykki

Innra mat

Mótun er á innra mati Zelsíuz. Áhersla var lögð á að halda utan um fjöldatölur frá opnunum félagsmiðstöðvarinnar. Einnig hefur verið stuðst við starfsmannakönnun Moodup við mat á innra starfi Zelsíuz. Síðasta vetur fór innramat í gegnum ígrundun á starfsmannafundum, í starfsmannasamtölum, ígrundum með unglingaráðinu Z-ráðinu ásamt samráði forstöðumanns og deildarstjóra frístundaþjónustu.

Samstarf á fjölskyldusviði

Félagsmiðstöðin er í nánun og víðtæku samstarfi við ýmsa lykilaðila í nærumhverfinu. Þar má nefna velferðarþjónustu, skólaþjónustu og grunnskólana í sveitarfélaginu ásamt frístundaklúbbum og ungmennahúsinu. Þetta samstarf er grundvöllur þess að hægt sé að styðja við fjölbreyttar þarfir barna og ungmenna og tryggja samfellu í þjónustu. Með reglulegum samskiptum, samráðsfundum og sameiginlegum verkefnum skapast vettvangur þar sem unnið er að því að efla félagsfærni, forvarnir, vellíðan og virkni ungs fólks. Áhersla er lögð á að vinna markvisst með einstaklingum sem þurfa aukinn stuðning en einnig að efla jákvæða menningu innan hópa með fjölbreyttri dagskrá, skapandi verkefnum og samfélagslegri þátttöku.

Í vetur óskar forstöðumaður eftir því að fá að koma inn á deildarfundi í grunnskólum sveitarfélagsins til þess að kynna starfið fyrir starfsfólki skólanna og þau úrræði sem að félagsmiðstöðin býður uppá fyrir börn og unglinga. Einnig hefur forstöðumaður komið inn á samráðsfundi skólastjórnenda í Árborg.

Forstöðumaður Zelsíuz situr í forvarnarteymi sveitarfélagsins sem er þverfaglegt samstarf milli stofnana í Árborg, lögreglu og heilbrigðisþjónustu. Í teyminu sitja fulltrúar frá fjölskyldusviði, leik- og grunnskólum, heilbrigðisþjónustu, lögreglu og foreldrafélögum grunnskólanna. Forvarnarteymi Árborgar fundar fyrsta þriðjudag hvers mánaðar. Forstöðumaður situr einnig í aðgerðarhóp forvarnarteymis. Aðgerðarhópurinn fundar á tveggja vikna fresti, sér um að framkvæma verkefni, skrifa forvarnarstefnu og útbúa forvarnardagskrá. Sérfræðingur Zelsíuz situr einnig í fjölmenningateymi Árborgar sem vinnur að því að efla fjölmenningu í Árborg.

Eins og hefur komið fram hafa hinsegin opnanir félagsmiðstöðvarinnar verið í samstarfi við ungmennahúsið Pakkhúsið. Samstarfið við Pakkhúsið hefur verið mikið. Verandi í sama húsnæði og með sama forstöðumann hafa svæði og starfsmenn verið samnýttir. Zelsíuz, frístundaklúbburinn Kotið og frístundaklúbburinn Kletturinn þjónusta öll sama aldurshóp. Þar sem að börn og unglingar sem eru skráð í frístundaklúbbana sækja oft starfið í Zelsíuz hafa samskipti og samstarf þar á milli verið gott. Þegar að einstaklingar sem þurfa mikinn stuðning sækja stærri viðburði á vegum félagsmiðstöðvarinnar hafa starfsmenn úr frístundaklúbbunum fylgt þeim einstaklingum á viðburðinn og verið þeim til stuðnings.

Kynningar og heimsóknir

Nemendur úr 8.bekk í öllum grunnskólum Árborgar koma í heimsókn á skólatíma í upphafi skólaárs. Starfsfólk Zelsíuz kynna fyrir þeim starf félagsmiðstöðvarinnar ásamt því að þau fá tækifæri til þess að kynnast húsnæðinu. Fyrir 5.-7.bekk fara starfsmenn Zelsíuz inn í kennslustund í skólunum til þess að kynna starfið fyrir þeim.

Zelsíuz nýtir samfélagsmiðla í auglýsingar og upplýsingamiðlun til þess að ná til unglinga og foreldra. Á heimasíðunni fristundamidstod.urborg.is eru allar upplýsingar um félagsmiðstöðina aðgengilegar ásamt fréttum úr starfi.

Flakkandi Zelsíuz

Flakkandi Zelsíuz er hreyfanleg félagsmiðstöð á sumrin sem miðar að því að mæta ungu fólki þar sem það er statt, bæði í nærumhverfi sínu og á opinberum vettvangi. Starfið byggir á grunngildum félagsmiðstöðvarinnar um þátttöku, traust, fjölbreytileika og gleði, en með sérstakri áherslu á snemmtæka íhlutun og forvarnarvinnu.

Flakkandi Zelsíuz hefur það hlutverk að vera sýnilegt og aðgengilegt fyrir ungt fólk utan hefðbundins félagsmiðstöðvarstarfs, meðal annars á samkomustöðum, í íbúðahverfum og við bæjarhátíðir. Markmiðið er að efla tengsl, skapa traust og tryggja að börn og ungmenni hafi öruggan aðila til að leita til ef á þarf að halda.

Starfið er unnið í nánú samstarfi við fjölmarga aðila, þar á meðal velferðarþjónustu, lögreglu og forvarnarfulltrúa Árborgar. Á hverjum mánudegi yfir sumarið eru haldnir samráðsfundir þar sem farið er yfir helgina, rætt um aðstæður og samræmd viðbrögð ef tilefni er til. Þessi samvinna stuðlar að samhæðu verklagi, betri yfirsýn og markvissri eftirfylgni þegar ungt fólk þarf stuðning.

Á sumrin og við sérstakar hátíðir er Flakkandi Zelsíuz á ferðinni þar sem áhersla er lögð á forvarnir, tengslamyndun og jákvæða nærveru í samfélaginu. Starfið hefur sannað gildi sitt í því að ná til ungs fólks sem erfitt getur verið að virkja með hefðbundnu starfi og styrkir þannig heildstæða þjónustu Zelsíuz við börn og ungmenni í Árborg.

Framtíðarsýn

Í stækkandi sveitarfélagi er mikilvægt að horfa til framtíðar. Í ár er í fyrsta skipti 8. bekkur í Stekkjaskóla og mun félagsmiðstöðin gera sitt af mörkum að kynna fyrir þeim unglingastarf félagsmiðstöðvarinnar.

8-viti æskunnar var kynntur á starfsdegi Fjölskyldusviðs í ágúst sl. Sú stefna sveitafélagsins er hluti af farsældarstefnu barna á landsvísu. Þessi farsældarstefna verður kynnt fyrir starfsfólki félagsmiðstöðvarinnar og munu starfsmenn í sameiningu við ungmennin stuðla að markvissri innleiðingu þar sem þar á við inn í starfið.

Zelsíuz stefnir á að opna 4 nýjar félagsmiðstöðvar undir starfsemi Zelsíuz.

Félagsmiðstöðvarnar verða staðsettar innan skólahúsnæðis og væri með opnanir í frímínútum og hádegismat. Auka myndi opnanir fyrir 5.-7.bekk í 3x í viku í hverjum skóla.

Með þessari breytingu væri það stórt skref í átt að snemmtækri íhlutun og aukinni forvarnavinnu meðal barna og unglunga, sóknartækifæri eru í að styrkja starf fyrir 5.-7.bekk. Það er ljóst að mikil þörf er fyrir öruggt og aðlaðandi rými þar sem börn og ungmenni fá tækifæri til að tengjast, njóta leiðsagnar og efla félagsfærni sína. Með auknu samstarfi við stuðningsteymi skólanna og fjölgun starfsfólks innan Zelsíuz styrkjum við stoðir farsældar barna og leggjum grunn að jákvæðum samskiptum og aukinni velferð.

Miðlæg starfsemi Zelsíuz verður áfram starfandi en þó ekki í sömu mynd og það er núna.

Miðlæga Zelsíuz myndi halda utan um hópastarf, hinsegin starf, miðlægar opnanir einu sinni viku. Flexið og Exið, starfsmannafræðslur og þjálfun myndi vera áfram hjá miðlægu Zelsíuz. Með því að vera með bæði miðlæga félagsmiðstöð og útibú í skólum náum við til sem flestra barna og unglunga í sveitarfélaginu. Miðlæg félagsmiðstöð er hlutlaus staður utan skóla sem er mikilvægt fyrir þau sem að hafa neikvæða upplifun af skólanum ásamt því er miðlæg félagsmiðstöð staður fyrir unglingana að blandast milli skóla.

Markmið okkar er að skapa aðgengilegt, fjölbreytt og innihaldsríkt félagsstarf sem nær til fleiri barna og unglunga en áður, þar sem áhersla er lögð á að mæta nemendum þar sem þeir eru í sínu daglega skólaumhverfi. Með þessu móti verður Zelsíuz sýnilegra í lífi barna og ungmenna, byggir upp sterkari tengsl og stuðlar að heildrænni nálgun á farsæld þeirra.